


Na momento di cera nos edicion ningun pista:

Team special incansable ta move pa logra localiza Natalee Holloway

Basta tip a drenta pero nada concreto



ORANJESTAD.(AAN): Desde e momento cu a yega na oido di autoridad concerni e desaparicion di e hoben turista Natalee Holloway, te ainda no tin ningun pista di su paradero.

Natalee tabata forma parti di un grupo grandi coleganan di College di Alabama cu a bin Aruba pa celebra e asina yama Senior Trip. Nan a bishita Carlos & Charlie's Diadomingo madrugada pa dialuna y esey tabata e ultimo biaha cu su coleganan a mire. Segun informenan, el a drenta den un vehiculo y despues di esey no a tende nada mas di dje. Mientras tanto, su coleganan a regresa Merca y a notifica mayornan di Natalee di su desaparicion. E informe a dal e famia fuerte y mesora nan a reacciona y nan a busca pa pone autoridad Mericano na altura di e caso. No a dura mucho cu e famia a busca pa viaha den un jet priva lo mas rapido posible pa Aruba pa pone nan mes na altura di delaster informe cu lo por tabata disponible relaciona cu e desaparicion di nan yiu muher.

Contacto a worde haci mesora tambe cu autoridad local ya cu tin miembronan di

FBI cu tambe lo a viaha pa Aruba pa asina lo por tin un bon coordinacion pa riba corto plazo localiza Natalee. Prensa local a busca pa informa comunidad y a publica e foto di Natalee pa asina cualkier persona cu lo por tin minimo informe pa suministra esaki yamando polis na 100, mientras a lanta un sorto di centro di informacion na warda di Bubali na unda a concentra na compila e tipnan cu ta drenta via di telefoon 587-6222.

Te asina leu cu e tipnan cu tabata drenta e team special cual a worde forma a revisa tur informenan cual tabata drenta y unidatnan tabata acudi tambe na cierto direccion pa averigua.

Te cu ayera nochi, miembronan di e team lo a bay na entre otro Spaans Lagoen ya cu a drenta informe cu lo a mira un hende muher a bordo di un Catamaran, pero a resulta cu no tabata trata di Natalee, igual a acudi na un parcela na Malmok y tambe na San Barbola, akinan tambe tabata trata di alarmanan falso.

Ta conoci cu Aruba ta un pais turistico, e ta safe, ta reina tranquilidad y no por permiti su number ta worde poni den

mal luz den exterior. Mayoria di comunidad ta conciente tambe di esaki. Ya caba for di exterior prensa Mericano ta buscando contacto ya cu informe a plama caba den cierto Estadonan.

Ayera tardi esnan cu ta forma parti di e team special a bin hunto pa analiza e situacion. No tin te ainda ningun pista di Natalee, locual ta su coleganan di klas Polis pa medio di FBI a worde yama Merca pa aya tambe busca y compila tur informe cu lo por

ta importante pa cu e caso aki cu ta misterio. Tin varios persona cu a worde interroga na prome instancia, y segun informe cu a yega na oido di DIARIO tabata indica cu detencion a cay na ultimo ora, pero esaki a keda desmenti. Por ultimo tambe nos a tuma contacto cu comisario Van der Straaten cu ta cabez di e Team di Buskeda ayera anochi ainda tabata suministra informe na medionan pa asina haci un suplica na comunidad si nan lo por a tende, weita of sa algo di Natalee pa mesora

repórta esaki yamando warda di polis 100 of yama Warda di polis Bubali 86b. Nos ta ripiti 587-6222, bo cooperacion tambe ta conta pa localiza e mucha muher cual na e momentonan aki su mayornan ta na Aruba enbusca di nan yiu muher cu desde marduga di Diadomingo pa dialuna a worde mira pa ultimo biaha altura di Carlos & Charlie's. Nos fotografo hunto cu e articulo ta ilustra e moveccionnan cu tabata tin den transcurso di ayera.

TELEFONNAN DI DIARIO
582-6747- FAX 582-8551